

四庫全書

子部

欽定四庫全書

子部

海錄碎事卷九下

詳校官中書臣李彤

侍讀臣孫球覆勘

總校官進士臣繆琪

校對官中書臣王瓚

謄錄監生臣徐步青

欽定四庫全書

海錄碎事卷九下

宋 葉廷珪 撰

愁樂門

喜起嗔笑附

奮髯

見太守門

屨破

梁元帝與廬陵王續相惡聞其薨入閤而躍屨為之破

老革

彭萊左遷江陽太守萊曰老革荒悖可復道耶蓋罵蜀

先主為老革猶老兵也

慨慷

慨當以慷憂思難忘注慨慷嘆也

魏武帝短歌行

世故

應瑒流離世故頗有飄薄之歎

五難

五難既洒洛注養生有五難喜怒聲色滋味神浮精散

許詞詩

憂衿

信矣勞物化憂衿未能整

顏延之詩

憂能傷人

孔文舉謂盛孝章單子孤危愁苦如使憂能傷人此子
不復永年

笑疾

陸機見張華華令雲來機曰雲有笑疾華以錦囊盛須
雲見大笑不止

顏峻嗔

顏峻嗔而與人官謝注笑而不與人官

九愁

梁元帝望水詩云懷山殊未已徒然勞九愁

氣踊如山

氣踊如山孫權之言蓋忿氣也

萬斛愁

庾信愁賦曰誰知一寸心乃有萬斛愁

寄愁天上

仲長統詩云寄愁天上埋憂地下

愁城

庾信愁賦攻許愁城終不破
蕩許愁門終不開
何物蒼愁能得熟
何物燒愁能得然
閉門欲驅愁
愁終不肯去
深藏欲避愁
愁已知人處

愁門

見上

百端集

衛洗馬初渡江形神慘悴語左右曰見此茫茫不覺百端交集衛玠也

愁逼夜長

愁逼夜長斜漢迴而脉脉寒侵夢淺行雲去以遲遲

段

成式

已憂儵

見水族門

愁鬼

特解寬衣帶偏能損面皮謂愁鬼也

愁猿弔影

愁猿弔影而危處兮叫秋木而長吟

李白集

一水牽愁

一水牽愁萬里長

李白詩

書室坐愁

書室坐愁亦已久矣

李白文

愁洽萬年

愁洽萬年苦溢千歲

七命

髮如竿

育獲之儔植髮如竿

西京賦

解悲愁

奉黃金百斤為相如文君取酒因于解悲愁之詞于為也

解歡

戚貌瘁而解歡

思舊賦

彪休

鬱怒彪休注怒貌

玄髮歡

各勉玄髮歡無貽白首嘆

謝惠連詩

悲從中起

張孟陽七哀曰悲從中起魏武帝短歌曰憂從中來

千念

千念集日夜萬感盈朝昏

謝靈運詩

憂來無方

憂來無方人莫之知

魏文帝樂府

人生如寄

人生如寄多憂奚為

魏文帝樂府

恨端

彌起長恨端

鮑明遠

噤吟笑

蔡澤以噤吟而笑唐舉噤欺稟反吟疑甚反

青鬢丈人

青鬢丈人不識愁

施肩吾詩

牢愁

牢愁漫訴空階雨
羈宦閑傷落日春

林逋詩

封恨

除却洛陽才子後
更誰封恨弔懷沙

褚載詩

愁陣

禪伏詩魔歸靜域
酒衝愁陣出奇兵

韓偓詩

苦雨愁霜

苦雨愁霜時聞短韻東門梁父罕接正聲

四六集

疊二忤

兩事忤意杜牧云疊二怒

瀕洞

杜詩憂端齊終南瀕洞不可掇淮南子曰鴻濛瀕洞莫知其門

門生門

玉笋門生

因話錄李宗閔知貢舉門生多俊秀時謂以玉笋門生

門生良田

廣記崔群妻嘗勸樹莊田為子孫之計笑曰予有三十
所美良田遍在天下又何憂夫人曰不聞有此業曰余
前歲放榜三十人豈非良田耶

舉將

鄭弘為太尉舉將第五倫為司空班在下弘不自安帝
知之聽以雲母屏風分隔

門生紀言

門人牟准魏敬侯碑陰云故吏述德于隧前門生紀言

于碑後

會聚門

經過附

一會面

喜茲一會面若覩瓊樹枝

李白詩

聞閑

聞閑且共賞莫待繡衣新

韋蘇州詩

蘭臺聚

南齊劉溉劉孝綽劉苞張率劉顯及劉洽號蘭臺聚

金門步

若遺金門步見就此山岑

謝玄暉詩

游衍

于役儻有期鄂渚同游衍注衍樂也

謝玄暉詩

三五夕

與我別所期期在三五夕

謝靈運詩

良覲

搔首訪行人引領與良覲

謝靈運詩

半舟閑

潘游全壁散郭去半舟閑

李義山詩

牀下鞵

迨今兩攜手對茗牀下鞵

李義山詩

枉道相過

今遣騎至鄴故使枉道相過

魏文帝書

宛轡

宛轡憇通衢屈也

陶淵明詩

枉帆

枉帆過舊山

謝靈運詩

枉相存

魏武帝樂府越陌度阡枉用相存存問也長門賦孔雀
集而相存

品題門

規檢禍衡

北齊邢子廣曰盧詢祖有規檢禍衡盧思道無氷稜文舉

世龍門

一世龍門

王衍

齒牙餘論

謝朓好獎與人才曰士子名聲未立宜共獎成無惜齒牙餘論

端委廟堂

晉明帝謂謝鯤曰論者以君方庾亮如何曰端委廟堂使百僚准則鯤不及亮一丘一壑自謂過之

駑牛

龐統謂陸績為駑馬顧邵為駑牛曰駑馬雖精所致一人耳駑牛一日行三百里所致豈一人之重哉

出蜀志

癡點半

顧愷之在桓溫府常云愷之體中癡點各半合而論之

之正得平耳

三反

魏王肅評曰劉寔以肅方於事上而好下佞已此一反也性嗜榮貴而不苟求二反也恠惜財物而沾身不穢三反也

鑒懸日月

鑒懸日月辭富山海

出文心彫龍

舌端月旦

舌端月旦皮裏陽秋

段成式

累心都盡

却尚書常稱謝慶緒識見雖不絕人可以累心處都盡

謝敷字慶緒

本傳

賞裁

庾道季讀陳東亭經酒壚下賦都不下賞裁

單門後進

單門後進必加善誘

任彦升序

一面之榮

一面之榮鄭璞踰于周寶一言之譽東陵侔於西山

宰相門

袁粲見王儉歎曰宰相之門也栝柏豫章雖小已有棟梁之器

棟梁器

見上

標榜人物

廷尉卿崔光韶好標榜人物

次客

劉法壽與弟崇吉及崔道古劉賓俱歸魏以法壽為上客崇吉為次客崔劉為下客

第一客

薛安都歸魏其子道標道異亦以勲為第一客

當為黃散

山公啟事曰郗詵才志器局當為黃散謂黃門侍郎散騎常侍也

胷中柴棘

深公云人謂庾元規名士胷中柴棘三斗許

世說

塵垢囊

林公謂王文度為塵垢囊

世說

懷想門

悽其

欽聖若旦暮懷賢亦悽其

謝靈運詩

存故

愛似莊念昔久敬曾存故謝靈運詩注游子多悲觸物
增戀愛其似者若莊生之念疇昔久而愈敬嘆曾子之
存故交莊生舄也

眇天末

佳人眇天末

陸士衡詩

美無度

非君美無度孰為勞寸心

謝玄暉詩

賞心晤

永絕賞心晤對也

謝靈運詩

隔思存

神交疲夢寐路遠隔思存沈休文詩詩曰雖則如雲匪我思存

不面

皇甫規與趙壹書云蹉跎不面企德懷風

遙懷

與承清誨以釋遙懷

同上

戲題未泯

南薰集序津樓壞棟紀別依然野寺顏垣戲題未泯

向陽翹

引領望天末譬彼向陽翹葵藿向日也

陸士衡詩

夢容輝

夢想見容輝

選古詩

鶴立

實依鶴立企佇之心

曹子建表

龜思鼈望

語曰龜思鼈望今龜鼈皆隔津望卵也

逆旅門

行役思歸附

治行

漢武帝使鄭當時視決河自請治行五日上曰吾聞鄭當時千里不齎糧請治行者何也

祇役

祇役出皇邑相期憇甌越

謝靈運詩

侵星

侵星赴早路畢景逐前儔

鮑明遠詩

夜衰

擾擾整夜衰肅肅戒徂兩徂往也兩車也

謝玄暉詩

稅歸鞅

行矣倦路長無由稅歸鞅稅息也鞅駕也

謝玄暉詩

紆鬱

婉孌居人思紆鬱遊子情

陸士衡詩

客子

棄置勿復陳客子常畏人

魏文帝

客行士

眇眇客行士徭役不得歸

曹子建詩

連翩

浩蕩別親知連翩戒征軸

曹子建詩

整袞

整袞辭秦川秣馬赴楚壤

王粲詩

流芳歇

誰謂客行人屢見流芳歇

劉休玄詩

車殆馬煩

日既西傾車殆馬煩

曹子建洛神賦

孑立

茕茕孑立形影相弔

李令伯

旅翮

渤澥方春旅翮先謝

吳季重牋

長安樂

桓譚新論云人聞長安樂出門向西笑人知肉味美即對屠門而嚼

隴頭水

見地門

改乘

馬融賦云改乘回轅左傳改乘轅而北之

孤禪

孤禪安逆旅警句與誰人

林逋詩

回軒

回軒應睠睠將與嶺雲疎

陸士衡詩

行衣

荷香隨去棹梅香點行衣征衣也

耿緯詩

初程

劉昭禹送人詩春光懷玉闕萬里起初程

三五月

關山三五月客子憶秦川

徐陵詩

水稽程

迴山時阻路絕水亟稽程

吳子夜詩

行滕

方解行滕猶揮利楫謂舍陸趨舟也

李義山文

銓驢

林逋送人無為軍水次軍城囊劔入雨餘村塢銓驢看

擎劔

今朝擎劔去何日刺蛟回

李賀詩

旅歌

客遊詩旅歌屢彈鋏

李賀詩

客帳

幽眠枕劒匣客帳夢封侯

李賀詩

三會角

李士元登單于臺詩殘陽三會角吹白旅人頭

無際帆

予本萍泛者乘流任西東茫茫無際帆棲泊何時同

薛

據詩

滯客

久為滯客其意謂何

逐貧賦

虱暴

虱暴妨歸夢虫喧徹曙更

段成式

淚萬雙

京華不啻三千里客淚如今一萬雙

李嘉祐詩

駢駢倦路

駢駢倦路載寢載興

曹子建責躬詩

迅足

逸翮思拂霄迅足羨遠遊

郭景純詩

拜嘉慶

上堂拜嘉慶入室問何之

顏延年詩

久滯淫

荆蠻非我鄉何為久滯淫注淫猶留也

王仲宣詩

成衰

成裘候良辰

謝惠連詩

孤征

懷役不能寐中宵尚孤征

陶淵明詩

軌路長

眇然軌路長憔悴征戍勤軌車迹也

顏延年詩

江路

江路西南永歸流東北驚

謝玄暉詩

似客游

湯湯中流中有行舟隨波轉薄有似客游

魏文帝樂府

遠行游

負劍遠行游

鮑明遠詩

夜中飯

居人掩關卧行子夜中飯

鮑明遠詩

客行樂

客行雖云樂不如早還家

李白詩

戒征軸

連翩戒征軸

謝玄暉詩

蜨局

僕夫悲余馬懷兮蜨局顧而不行音拳

離騷

情眷眷

情眷眷而懷歸

登樓

雨破程

花燒落第眼雨破到家程

王建詩

外獎

沮漳自可美客心非外獎

王粲詩

月遞夢

薛瑩海上花留身住越月遞夢還秦

悲歌

悲歌可以當泛遠望可以當歸思念故鄉鬱鬱累累又
云欲歸家無人欲渡河無船心思不能言腸中車輪轉

古樂府

絮征袍

明朝驛使發一夜絮征袍

李白詩

三成弦

郢門一為客巴月三成弦

僑裘撰行

僑裘撰行去國遐陟

李白文

慙慙

慙慙思歸戀故鄉何為淹留寄一方苦葦切心不足貌

魏文帝

故山

故山日已遠風流豈還時

謝靈運詩

衣繡晝行

魏志張既為雍州刺史太祖曰還卿本州可謂衣繡晝行矣

馬煩轡殆

馬煩轡殆言馬疲煩而轡危殆

陸士衡功臣頌

良馬煩

威遲良馬煩

顏延年詩

紆組

我行雖紆組

謝玄暉詩

旅思搖搖

旅思倦搖搖

謝玄暉詩

孤遊

孤遊昔已屢

上

薄遊

薄遊弟從告_上

接浙

接浙而行孟子注浙漬米也不及炊乃反接之而去

客無腸

廣記鬼作思家詩佳人應有夢遠客已無腸

苦顏

戍客望邊邑思歸多苦顏

李白詩

計日歸

胡塞塵清計日歸漢家草綠遙相待

李白詩

稅歸鞅

眇然一水隔何日稅歸鞅

越鄉憂

誰令乏古節貽此越鄉憂越違也

鮑明遠詩

宿留

武帝既見大人迹及群臣言老父則大以為仙人也宿留海上注宿留有所須待也上先就反下力就反

治嚴

漢明帝諱莊故相襲謂辦裝為辦嚴治嚴

夜猿悲

疊障易成響重以夜猿悲

范彦龍詩

離別門

相思附

夷猶

謝玄暉詩停驂我悵望輟棹子夷猶夷猶悵望貌

前期

平生少年日分手易前期及爾同衰暮非復別離時

沈

休文詩

清路塵

古詩君為清路塵妾為濁水泥

昧平生

雖有五載別相與昧平生言如不相識也

顏延年詩

一別如雨

風流雲散一別如雨王仲宣贈蔡子篤又杜詩別離同

雨散

鹿聚

孔叢子高與鄒文季節為友季節歸魯臨別流涕子高
執手而止曰人生豈當如羣鹿聚

仳別

謝惠連詩哲兄感仳別相送起林垆仳亦別也

匹婢反

袂判

中流袂就判欲去情不忍

謝靈運詩

脈脈

誰云相去遠脈脈阻光儀音陌不見貌

陸韓卿詩

沈心曲

思子沈心曲長嘆不能言

劉公幹

營魄

陸士衡營魄懷茲土精爽若飛沈營心俯魂魄懷於此
土也

天末

借問嘆何為佳人眇天末

陸士衡詩

如邛願

投沙理既迫如邛願亦愆言如相如謝病歸臨邛也

謝

惠連詩

惓惓

音草

懷情徒惓惓淚下空霏霏

非吾土

信美非吾土祇攬懷歸志潘岳自河陽遷懷縣作蓋有

思京邑之懷

遠志

如何懷土心持此謝遠志

謝靈運詩

千念

千念集日夜萬感盈朝昏

上

千里目

悽矣自遠風傷哉千里目

顏延年詩

異縣

他鄉各異縣展轉不相見

古樂府

會面

道路阻且長會面安可知

衣帶緩

相思日已遠衣帶日已緩

選古詩

一水間

盈盈一水間脈脈不得語

選古詩

秋蒂

邈若墜雨翩似秋蒂謝眺辭新安王牋踰已別王如之

勞結

雖書疏往返未足解其勞結

魏文帝書

勞積

其於別遠會希猶不盡其勞積也

上

容輝

夢想見容輝

選古詩

折其榮

攀條折其榮將以遺所思

選古詩

離旗

陳寶應反閩中僧惠標送以詩云送馬猶臨水離旗稍引風

數日惡

謝安謂羲之曰中年以來與親友別輒作數日惡羲之曰年在桑榆自應爾

疊猿聲

吳融送人赴硤州云疊猿聲裏獨之官

突烟

郭璞詩君如秋日雲妾似突中煙高下理自殊一乖雨

絕天

歸雲征

李充送許從詩來若迅風流逝如歸雲征離合理之常

聚散安足驚

驚風散

棗腆贈石崇翕如翔雲集忽若驚風散分塗還離析對
樂增累數

分塗

見上

離衿

張祐送人詩孤舟越客吟萬里曠離衿

春春

陸瓊長相思容貌春春減書字朝朝減

車輪生角

陸龜蒙君心欲漂落妾意正棲託願得雙車輪一夜生
四角

心心

心心不相照望望何由知

陸瓊詩

向隅眉

劉繪有所思共銜滿堂酌獨飲向隅眉

空張

空一作高

王融有所思空張更何已滿飲終自期

寄情

仰頭看明月寄情千里光

吳子夜詩

車遙遙

車遙遙篇古樂府也詞云車遙遙兮馬洋洋追思君兮

不可忘

愁肺

旅酒侵愁肺離歌繞懦絃

李賀詩

兩條淚

詩封兩條淚露折一枝蘭

上

紅淚客

涼月生秋浦玉沙鱗鱗光誰家紅淚客不忍過瞿塘

李

賀詩

一雙淚

李賀別皇甫湜凭軒一雙淚奉墜綠衣前

酸風

李賀東關酸風射眸子

解手背面

韓子祭張員外云解手背面遂十一年君出我入如相
避然

飛鶴形

飛來雙白鶴乃從西北來言雌病雄不能負之而五里
一反顧六里一徘徊雖遇新知終傷乎生別離也 古樂府

揚其灰

有所思古詞言有所思乃在大海南何用問遺君雙珠
瑤瑁替聞君有他心燒之當風揚其灰

釣竿歌

伯常子避仇河濱為漁者其妻思之為釣竿歌

徑寸心

以我徑寸心從君千里外

古文苑

西飛翼

不見一佳人徒望西飛翼

上

分絃

分絃饒苦音別唱多淒曲

上

卷中人

唐裴敬中為察官奉使蒲中崔徽相從敬中回徽以不
得從為恨久之成疾寫其真以寄裴曰崔徽一旦不及
卷中人矣

出麗情集

寄淚

灼灼錦城官奴御史裴質與之善裴名還灼灼每遣人

以軟綃聚紅淚為寄

出麗情集

天一面

何況杳未期各在天一面

何遜

一星殘燭

一星殘燭照離堂

羅鄴詩

賴酒昏

行客思鄉遠愁人賴酒昏

司空曙送人詩

錦袞字

古別離已聞都萬騎又道入重圍一軸錦襕字致君終
不歸

左親戚

今天下游士左親戚棄墳墓去故舊從陛下者但日夜
望咫尺之地注左親戚言乖離之意

西漢張良傳

歌驪駒

注逸詩篇名也其辭云驪駒在門僕夫具存驪駒在路
僕夫整駕

間何闊

諸葛豐為司隸校尉刺舉無所避京師為之語曰間何闊逢諸葛注言間者何久濶不相見也

停歌罷笑

停歌罷笑雙蛾催

李白詩

明月環

從軍玉門道逐虜金微山笛奏梅花曲刀開明月環

李

白詩

火滅星離

張陳竟火滅蕭朱亦星離

李白詩

東風吹夢

西憶故人不可見東風吹夢到長安

李白詩

別恨多少

問余別恨今多少落花春暮爭紛紛

李白詩

山陽別

惜此林下興慙為山陽別

李白詩

金瓶落井

金瓶落井無消息
令人行嘆復坐思
李白詩

山荅鼓

青山荅鼓送行舟

歐陽永叔詩

離袖

離袖安可揮

鮑照詩

路捷

留歡貴山遙惜別愁路捷

上

歌眼

歡觴為悲酌歌眼或泣衣

上

掛帆席

李白江上詩明晨掛帆席離恨滿滄波

大語聞

大語猶可聞故人難可見言所居近也

李白詩

同心句

古樂府也梁元帝詞云相逢半路溪隔溪猶不渡摘贈

蘭澤芳欲表同心句

估客樂

古樂府也詞云有信數寄書無信長相憶莫作瓶落井
一去無消息

榆火葭灰

既十新榆火又七變葭灰

淚與線長

淚與線長心如針貫

重一面

地近輕數見地遠重一面

淚滋

親賓兮淚滋

恨賦

心折

心折骨驚

別賦

氣結

悲與親友別氣結不能言

古詩

抱影

抱影守空廬又風賦曰廊抱影而獨倚

澹忘歸

游子澹忘歸澹安也

謝靈運詩

飛駕

惆悵瞻飛駕引領望歸旆

陸士衡詩

歸旆

見上

樹背襟

安得忘歸草言樹背與襟

陸士衡詩

忘歸草

見上

絃與箏

離合非有常譬彼絃與箏

陸士衡詩

洲渚言

辛勤風波事款曲洲渚言

雲雨乖

朋好雲雨乖張載詩云雲乖雨散心乎愴而

河陽別

愧茲山陽讌空此河陽別曹植送應氏詩云親昵並集
送置酒此河陽

忍相思

朝發富春渚蓄意忍相思

任彥升詩

送至方山

文選謝靈運為永嘉太守鄰里相送至方山靈運作鄰
里相送至方山詩

枯桑知風

枯桑無枝葉則不知風海水不凝凍則不知寒以諭婦

不知夫也

古樂府

入門自媚

入門各自媚誰肯相為言

弦驚

傷禽惡弦驚倦客惡離聲

斷客情

離聲斷客情

鮑明遠詩

賓御

賓御皆涕零

天一涯

相去萬里餘各在天一涯注涯方也

選古詩

巢南枝

胡馬依北風越鳥巢南枝

選古詩

雙飛燕

思為雙飛燕銜泥巢君屋

選古詩

著相思

文綵雙鴛鴦裁為合歡被著以長相思緣以結不解注

被中著絲絲之意

選古詩

天一隅

風波一失所各在天一隅

李少卿詩

天一方

各在天一方

蘇子卿詩

涕霑翰

涕霑翰衣襟也如鳥之有羽翰

蘇子卿詩

安得翼

願飛安得翼欲濟河無梁

魏文帝詩

商參

殊隔過商參

王元長詩

守螢獨

佳人守螢獨

張景陽詩

心悟永

淒淒節序高寥寥心悟永

謝靈運詩

陽雲臺

相思巫山渚悵望陽雲臺

謝琨詩

參商闊

面有逸景之速別有參商之闊

曹子建書

逸景

見上

餞送門

歸客

送孔令辭位詩云歸客遂海隅脫冠謝朝列

方舟

方舟析舊知對筵曠明牧方舟並舟也謝靈運詩

揚舲

孔法生送王少傅若人鑒殆辱解紱揚歸舲

熨斗坡

見地門

相風竿

耿緯送人水行相風竿影曉來斜渭水東流去不賒

呼風去

劉昭禹送人舟行江上呼風去天邊挂席飛

橫霓

李賀送人北征髯胡頻犯塞驕氣似橫霓

絃上箭

封侯早歸來莫作弦上箭

李賀詩

悵飲

今晨魯東門悵飲與君別

陸韓卿詩

脰未悵

顧望脰未悵汀曲舟已隱悵正也於玄切

謝靈運詩

保嘉幅

行矣保嘉幅景絕繼以音影也

陸士衡樂府

患難門

悲傷附

如綆縻

王仲宣涕下如綆縻注古杏反

沈痛

眷言懷君子沈痛切中腸

謝靈運詩

五內

哀鬱傷五內注淚沾珠纓

石季倫詩

淚流霰

佳期悵何許淚下如流霰

謝玄暉詩

前魚

陸韓卿詩子瑕矯後駕安陵泣前魚事見中山王孺子

妾歌注

兒女仁

憂思成疾病無乃兒女仁

曹子建詩

謗缺

小人固陋坐貽謗缺

江文通書

抱痛

抱痛圓門含憤獄戶

上

悽入肝脾

詠北狄之遐征奏胡馬之長思悽入肝脾哀感頑豔

葉

休化賤

貼危

貼危賴宗袞微管寄明牧賈誼曰安有天下貼危若是

注臨危曰貼音鹽

謝玄暉詩

橫潰

天地中橫潰家皇拯生民言世亂也

沒元象

伊洛既燎烟函靖沒元象象道也言漢之亂

王崇詩

履影弔

履影弔心酸鼻痛骨

江文通書

屠繪

劉遵之書云奄丁禍罰五內屠繪

百罹

遭也憂也詩言逢此百罹選流宕百罹之疇

咀痛茹哀

咀痛茹哀嬰憤忍酷

梁簡文帝

凶功

謝方明值孫恩之亂合門遇禍資產無遺而營舉凶功甚力

涕橫集

今臣心結日久每聞幼眇之聲不知涕泣之橫集也

漢

中山王勝傳

哀嘯

綺樓何氛氲朝日正杲杲玉顏上哀囀絕耳非世有言

哀唱也

李白詩

九迴

腸一日而九迴

馬遷書

鳥哀鳴

魚以泉涸而煦沫鳥以將死而哀鳴

廣絕交論

同憂相救

子胥曰子聞河上之歌者乎同病相憐同憂相救

幅抑失聲

幅抑失聲迸涕交揮

潘安仁誄

詠時禽

目感隨氣草耳悲詠時禽草隨氣序而變禽應時月而

鳴

陸士衡詩

游覽門

眺望附

晨策

晨策尋絕壁夕息在山陰

謝靈運

中坐

中坐瞰蜿蜒俛伏視流星注中坐半山坐也

江淹香爐

峯詩

倒景

一舉凌倒景無事適華嵩謂在日月之上日月反從下

照故謂之倒景

沈休文

賞心晤

將窮山海迹永絕賞心晤注晤對也

謝靈運詩

山行

溯溪終水涉登嶺始山行

謝靈運詩

水宿

客游倦水宿風濤難具論

謝靈運詩

興命

興命公子攜手同車言起命公子將同遊也

嵇叔夜詩

結飛轡

三閭結飛轡言將遠遊也

陸士衡詩

近尋

瞻目有極覽游情無近尋

范蔚宗

看駟酒駕

看駟連鑣酒駕方軒

七命

之字

送人遊九疑漆燈尋黑洞之字上危峯

劉昭禹詩

與馬成三

沈慶之既貴給三望車慶之謂人曰我每游履田園有

人時與馬成三無人日與馬成二今乘此安之遂固讓
三望車三公所乘也

六事思君

白居易遊山玩水攜詩卷看月尋花把酒盃六事盡思
君作伴幾時歸得洛陽來

後騎

後騎盡幽并同人皆沈謝

耿緯詩

倚釣

蓮浦浪澄堪倚釣柳堤風暖好垂鞭

褚載詩

菱鞋

深山寺路千層石竹杖菱鞋便可登

劉得仁詩

光車服馬

光車服馬遊都城

陸機百年歌

道鉞禪關

二室名遊花時雪夜三堂勝賞道鉞禪關

四六集

靜賞

靜賞應難極孤懷自不禁

林逋詩

重山復水

平昔常聞溪口路重山復水去無窮

林逋詩

解夜醉

細露濕團紅寒香解夜醉

李賀詩

歌堂舞閣

藻局黼帳歌堂舞閣之基璇淵碧樹弋林釣渚之館

蘇

城賦

投鉤

賞心樂事不廢良辰
迂燭投鉤必窮永夜

段成式

寺寺樓

倚遍江南寺寺樓

杜牧之詩

濟勝具

許掾好遊山水而體便登陟
時人云許非徒有勝情實

有濟勝之具

世說

南山幽

希君同攜手長往南山幽

李白詩

搏壁

自云歷天台搏壁躡翠屏

李白詩

雲間下榻

雲間逢下榻天上接行盃

上

天上行盃

見上

攀日月

杳出霄漢上仰攀日月行

李白詩

險尋危造

絕澗方險尋亂岩亦危造

陸羽詩

搏芬若

搏芬若以為枕席荃蘭而蒞芳

飛蓋

清夜遊西園飛蓋相追隨

曹子建詩

駢筵

輟策共駢筵

謝惠連詩

憩榭

憩榭面曲汜

謝惠連詩

耳目驚

不尋遐怪極則知耳目驚

江文通詩

行樂

攜手共行樂

謝玄暉詩

送歸鴻

目送歸鴻手揮五絃

嵇叔夜詩

欽定四庫全書

清鈔別事
卷九下

五

青雲霓

上陵青雲霓下臨千仞谷

司馬紹統詩

登頓

山行窮登頓水涉盡洄沿登頓上下也

島易陟

藤垂島易陟崖傾嶼難傍

丘希範詩

送春目

出沒眺樓雉遠近送春目

謝玄暉詩

陵虛上

茗茗寄意勝不覺陵虛上

許徵君詩

揔轡

薄言遵郊揔轡出臺省

謝琨詩

驚望

謝琨詩驚望分寰隧矚目盡都甸驚望馳目遠望也倉頡篇曰矚矚視之貌也

矚目

見上

同乘並載

同乘並載以游後園

魏文帝書

故舊門

感舊附

故心人

故人心尚爾故心人不見

謝玄暉詩

託心如舊

蜀夏侯霸謂張疑曰雖與足下疎闊然託心如舊

刮目相待

吳志呂蒙謂魯肅曰士別三日則刮目相待

疇曩

借日如昨忽焉疇曩

盧子諒詩

青荒國

玉樹歌開海雲黑苑庭忽作青荒國

李嘉祐詩

王榭鷺

王榭金陵人海中失舟落在烏衣國以女妻之及歸以詩繫鷺尾往來時目所居為烏衣巷劉禹錫有詩曰朱

雀橋邊野草花烏衣巷口夕陽斜舊時王謝堂前鶯飛
入尋常百姓家

博物門

勞薪飯

師曠食飯云是勞薪所炊晉平公使視之果然車軸

龍肉鮓

有人寄陸機鮓訝其異因餉張華華曰此龍肉也機時
不信華曰以酒漬之當有異也便以酒濯之即有五色

之彩

石鼓

吳郡臨平岸崩出一石鼓推之無聲帝以問張華華曰
可取蜀中桐木刻為魚形扣之則鳴矣於是如其言果
聲聞數里

阮咸

有人破古塚得銅器似琵琶身正圓人莫能辨行沖曰
此阮咸所作器也命易以木絃之其聲亮雅樂家遂謂

之阮咸

上壽門

生日附

大筭

顏延年詩永錫洪筭注言天錫大筭使長久也

龜鶴年

游仙詩借問蜉蝣輩寧知龜鶴年

黃髮期

王其愛玉體俱享黃髮期

曹子建詩

千金壽

主稱千金壽賓奉萬年觴

上

盈數

遠期鮮克及盈數固希全謂上壽百二十歲盈此數也

古樂府

賢主人

王仲宣公讌詩願我賢主人與天享巍巍

萬堯年

沈約神仙篇億舜日萬堯年詠湛露歌採蓮願雜百和
香宛轉金鑪前

億舜日

見上

壽倒三松

女仙上元夫人降封陟陟不顧夫人曰我能令君壽倒

三松

傳奇

玉枝卜壽

東方朔得西鄒國玉枝以進武帝賜近民年高者云病

則枝汗死枝折老聃得之七百年不汗偓佺得之三千

年不折

洞冥記

齡紀鬱巍巍

見養生門

三祝

年年三祝候堯莫清曉焚香啟梵局盖用華封請祝事

王禹玉

天以下

處羅可汗上隋帝壽曰自天以下地以上日月所照惟

有聖人

奉觴上壽

奉觴上壽上天子酒也

馬遷書

維嵩

小臣陪宴鎬獻壽奉維嵩

韋安石

無央鸞鳳

無央鸞鳳隨金母來駕薰風一萬年

陳陶朝元引

羨門比壽

羨門比壽王喬爭年

養生論

遐紀

宜享遐紀長保天秩

潘安仁謀

文星助彩

不惟嵩嶽降神固亦文星助彩

誕日

詩稱誕彌厥月言后稷之生大滿過其常月後人因謂

生日為誕日盖失本意

膝席

竇嬰為壽獨故人避席餘半膝席注以膝跪席上也

鑒戒門

滿敬

器惡含滿敬物忌厚生沒

鮑明遠詩

概滿

鬼亦害盈天能概滿

李義山文

敬器論

太宗常作敬器真宗為之贊仁宗遂製敬器論

月滿則微

月滿則微日中則昃

張華女史箴

隆隆者墜

無矜爾榮天道惡盈無恃爾貴隆隆者墜

上

座右銘

座右銘崔瑗字子玉手刃兄之仇蒙赦而出作此銘以
自戒常置之座右

奉佛仙門

施身

大同元年梁武幸同泰寺講金字三慧經皇太子仍施身以卜奉贖

圖作佛

何次道往瓦官寺禮拜甚勤阮思曠語之曰卿志大宇宙勇邁終古何曰卿今日何故見推阮曰我圖數千戶郡尚未能得卿乃圖作佛不亦大乎

歡喜園

沈佺期奉勅撰菩提像文冕旒多暇每尋歡喜之園興
輦經行即對醍醐之沼

醍醐沼

見上

鷹師曹

魏文帝詔罷鷹師曹以其地為太后立報德佛寺

靈氣仙才

燕昭無靈氣漢武非仙才

郭景純遊仙詩

億萬贖帝

梁武帝大通元年幸同泰寺釋御服披法衣行清淨大捨以便省為房群臣以錢億萬奉贖皇帝奉表請還臨宸極三請乃許帝答書稱稽首

救苦齋

梁大通二年都下疫甚帝於重雲殿為百姓設救苦齋以身為禱

無遮會

梁武帝大通元年幸同泰寺設四部無遮大會二年設
平等會

平等會

見上

法喜食

梁武帝大同三年幸阿育王寺設無等法喜食

思賢門

微管之嘆

微管之嘆傅季友修張良廟教

九原可作

趙文子遊於九原曰死而可作我則隨武子乎

戒慎門

腰舟

蔡謨每事必過防時為語曰蔡公過浮航脫帶腰舟長

吹壑

楚辭云懲執羹者吹壑注歆羹而熱見壑恐而吹

踐露

履霜知冰踐露知春

蔡邕傳

食挑不康

馮道曰食挑不康見李思戒瑣言

疾顛腊毒

左傳高位實疾顛厚味成腊毒腊久也言味厚者為毒久也

陰重不泄

陰重不泄不泄人言也

垂堂

鄙諺曰家累千金坐不垂堂注言恐瓦墮之傷

馬遷書

局影嚴凝

局影嚴凝側身局禁皆是清禁之地言戒懼也

江淹書

宴安鴆毒

古人以宴安為鴆毒管敬仲曰宴安鴆毒不可懷也

刺舌

賀若弼父敦為宇文護所害臨刑呼弼謂之曰吾以舌

死汝不可不思因引錐刺弼舌出血誠以慎口

阿附門

依恃朋與附

回從

王莽擅國權羣臣莫不回從注云回曲也

回塗

蔡邕云盍亦回塗要至俛仰取容要音腰回者曲也

左官

後漢丁鴻上書云左官外附之臣前漢書有左官阿私

之黨

芳林十哲

沈雲翔等十人交通中貴號芳林十哲芳林門名也

喪家狗賦

冠城附丁謂故少達謂敗鬱鬱不得意彭齊作喪家狗賦以諷

向火乞兒

張九齡見朝士趨楊國忠以求官語人曰此曹皆向火

乞兒

出天寶間元遺事

郭興

郭景尚字思和善事權寵世號曰郭尖

阿尊事貴

元帝徵周堪詔不能阿尊事貴孤特寡助

朋黨執虎

衆煦漂山聚蚊成雷朋黨執虎十夫撓權鼠古蚤字

鼠憑社貴

鼠憑社貴狐藉虎威

恩倖論

怨嘆門

糞上英

昔為匣中玉今為糞上英

石季倫詩

末光

願君廣末光照妾薄暮年

陸士衡詩

抱影

箕帚留江介良人處鴈門朱火獨照人抱影自愁怨

王

景玄詩

雷數

梁昭明太子有所思云雷數一聲響雨淚忽成行

橫陳

主人女為臣歌曰怵惕之心兮徂玉牀橫自陳兮君之
傍君不御兮妾誰怨死日將至今下黃泉

萬憤詞

萬憤詞投魏郎中時在獄中 李白詩

隨氣草

目感隨氣草耳悲詠時禽

陸士衡詩

詠時禽

見上

千載恨

徒積千載恨空負百年愁

鮑明遠詩

食梅酸

食梅常苦酸衣葛常苦寒

鮑明遠詩

慕賢門

側帽

見冠冕門

解散髻

見釵珥門

劉揚同軌

譙周語陳壽曰昔孔子七十二劉向揚雄七十一而沒
今吾年適七十庶慕孔子遺風可與劉揚同軌不出後
歲必便長逝

出蜀志

穿角履

王遵業為黃門郎從容恬素若處丘園嘗著穿角履好

事者多毀新履以學之

譏嘲門

鳳鳳猪猪

詞家之吃已甘鳳鳳貽嘲翰園之癡仍以猪猪見誚

段

成式

嘲熱客

平生三伏時道里無行車閉門避暑卧出入不相過只
今襪襪子觸熱到人家主人聞客來嘖蹙奈此何搖扇

臂中疼流汗正滂沱傳戒諸高明熱行宜見呵

古文苑

窮兵獨舞

于頔聞韋臯撰奉聖樂以進亦撰順聖樂而進其曲半行綴皆杖而一人舞於中將進閱之慕容韋綬在坐曰何用窮兵獨舞以諷頔云

國史補

蚤虱名器

蚤虱名器鼠雀倉庾

陸龜蒙識小人也

微文譏刺

微文譏刺貶損當世

司馬遷

覆盆謠

覆盆謠施肩吾作諷同州考試官

鷄棲樹

世語劉放孫資共典機任夏侯獻曹肇心內不平殿中
省有鷄棲樹二人相謂此已久矣其能復幾以指資放

果斷門

機會附

日中焚

黃帝曰日中必焚操刀必割太公曰日中不焚是謂失時操刀不割失利之期焚音衛暴曬也

蝮蠱

蝮蠱手則斬手蠱足則斬足郭璞云蝮蛇細頸大頭焦尾色如綬文文間有毛似猪鬣鼻上有針大者長七八尺一名反鼻蠱火各反螫也

矢在弦

矢在弦上不可不發

陳琳對曹公之言

私謚門

玉山樵人

韓偓自號玉山樵人有香奩集行於世

見詩序

隱居

北齊李緯放達自號隱居

出本傳

上行先生

梁庾洗遵釋教宅內立道場禮懺及死空中唱曰上行先生已生彌勒淨域矣

史遁先生

唐張薦為史館修撰朱泚亂變姓名匿城中著史遁先生

逍遙公

五代韋夏號逍遙公

耐辱居士

司空圖退居自號耐辱居士

青牛師

後漢封衡字君達能行容成御婦人術號青牛師

貞耀先生

貞耀先生韓愈謚孟郊

武林居士

郎簡即錢塘城治園廬自號武林居士

問政先生

聶師道楊行密奏號問政先生

五知先生

李紳自以久官不至顯用內不自得作五知先生傳曰
知時知難知命知退知足以見志云

外監

祕書監賀知章性放曠自稱四明狂客又號祕書外監
青蓮居士

荅湖州迦葉司馬問曰是何青蓮居士謫仙人酒肆藏
名四十春

元真子

張志和肅代間居江湖自號元真子每垂釣不設餌志
不在魚也常撰漁歌

頌德門

風軌

風軌德音為世作範

陸士衡頌

汪汪軌度

汪汪軌度恂恂德心

上

茂世之規

醇洪暢之德豐茂世之規

羽獵賦

咳唾為恩

咳唾為恩眄睐成飾

任彦升牋

玉質

玉質幼彰金聲夙振

任彦升表

曄若春榮

曄若春榮瀏若清風

曹子建書

風情張日

風情張日霜氣橫秋

張去聲北山移文

詠雲門

詠雲門者難為音觀隨和者難為珍

班固典引序

翼百神

翌百神禔萬福

石闕銘

聽叅臯呂

聽叅臯呂稱侔子張臯陶呂侯也

潘安仁誄

含辰象

含辰象之秀德體河嶽之英靈

沈休文碑

自叙門

高烏候柯

高烏候柯潛魚擇淵

陸士衡頌

孤奉明恩

孤奉明恩言虛負明主之恩也

月賦

幽介

臣東鄙幽介長自丘樊

月賦

忝荷過任

忝荷既過任

張茂先詩

責重才輕

道長苦智短責重愧才輕

纓時網

牽世纓時網

陸士衡詩

行能無算

眇實庸流行能無算謝朓也

謝玄暉箋

褒采一介

褒采一介抽揚小善

旅翮

渤澥方春旅翮先謝

輕舟反溯

輕舟反溯弔影獨留

去德滋永

去德滋永思德彌深

悲來橫集

悲來橫集橫交也中山靖王曰不知泣涕之橫集

已上

並謝玄暉牋

庇身有地

徒生之倫庇身有地

任彦升牋

顧已循涯

顧已循涯實知塵忝

上

牛馬走

見貧素門

間閭闢茸

間閭闢茸名教所絕

任彥升奏

自點

適足以見笑而自點耳

司馬遷書

無所比數

刑餘之人無所比數

勤勤懇懇

勤勤懇懇忠款之貌

賤事

會從上來又迫賤事

款款之愚

款款之愚心勤貌

戴盆

戴盆何以望天

略陳固陋

書不能悉意故略陳固陋

已上並馬遷書

係轅之歌

係轅之歌有應風雅

曹子建書

赧然汗下

申言再三赧然汗下

吳季重書

孤露

少家孤露母兄見憐

嵇叔夜書

筋驚肉緩

筋驚肉緩性復疎懶

嬾慢相成

簡與禮相背嬾與慢相成

自卜

自卜已審

貴遠賤近

常人貴遠賤近向聲背實

七不堪

一不必不堪者七其不可者二

上並嵇叔夜書

金張援

官無金張之援游無子孟之資

應休璉書

屑腐齒落

屑腐齒落服膺而不可釋

東方朔荅客難

塊然無徒

塊然無徒廊然獨居

上

寡偶

寡偶少徒

上

卷九下
擱朽磨鈍

擱朽磨鈍鉛刀皆能一斷

班孟堅答賓戲

行能無異

臣雄經術淺薄行能無異與羣賢並位愧無以稱職

劇

秦美新

度長絜大

度長絜大比權量力不可同年而語

賈誼過秦論

寒谷成暄

叙溫燠則寒谷成暄論嚴苦則春叢零葉

廣絕交論

位末

位末名卑

潘安仁誄

卑人

劉輔上書云卑人不可以為主腐木不可以為柱

園鑿方枘

園鑿方枘吾固知其鉏鋸而難入

九辨

物類相感門

風寥唳

虎嘯而風寥唳龍起而雲致氣

四子講德論

仇偶相從

仇偶相從鳴聲相應

上

俟秋吟

蟋蟀俟秋吟蜉蝣出以陰

上

彫虎

彫虎嘯而清風起謂虎文如彫畫

廣絕交論

時官稱號門

名相

漢張蒼贊曰張蒼文學律歷為漢名相

本傳

方外司馬

晉謝奕桓溫辟為安西司馬猶推布衣如在溫坐岸幘
笑詠無異常目溫曰我方外司馬

薛校書

薛濤妓人也有學善屬文章臯欲奏以校書護軍從事

以為不可遂止至今呼薛校書

儒林先生

常爽不事王侯獨守閑靜講肄經典二十餘年時號儒林先生

北門學士

劉偉之為弘文館直學士上元中與元萬頃等皆召入禁中高宗密與參決時政以分宰相權時號北門學士時號數稱門

何氏三高

見隱逸門

三珠樹

唐王福峙三子勔勗勃皆有才名時謂王氏三珠樹

兩玉人

宋書謝晦與謝琨俱在武帝前帝曰一時頓有兩玉人

四明逸老

四明逸老李白稱賀知章云

三教布衣

唐陳陶以詩名兼釋老學自號三教布衣

竹溪六逸

唐孔巢父韓維裴政李白張升卿陶沔隱徂山時號竹溪六逸

三不開

五代馬裔孫純儒也登相位臨事多不能決但書名而已時人號為三不開謂不開口議論不開印視事不開門延士大夫

三列宿

唐韋叔諧與弟叔謙兄季武為郎中同時在省時號三

列宿

韋湊傳

三盧會

五代盧會分司洛下與右僕射盧質散騎常侍盧重嗜
酒好遊山水朝士目為三盧會

三素望

宋阮萬齡袁豹江夷相繼為孟昶司馬時人謂昶府有

三素望

王弘之傳

五柳

五柳先生傳云先生不知何許人也亦不詳其姓字宅

邊有五柳樹因以為號

陶淵明傳

三達

韋孟達公孫伯達魏仲達扶風平陵人同時齊名號三

達

出次錄

二仲

求仲羊仲皆治車為業挫廉逃名蔣元卿去兗州還杜陵荆棘塞門舍中有三徑不出惟二人從之游時謂之

二仲

見嵇康高士傳

韋氏三君

韋順韋豹韋義清河太守韋文高之三子皆以學行知

名時號韋氏三君

見京兆舊事

五侯

王譚商章根逢以元后弟同日受封號五侯

出後漢

二唐

唐林唐尊並沛人以潔履著名于成哀之世號二唐

五處士

徐稚韋著袁閎姜肱李曇號五處士

出續漢書

涼州三明

涼州三明張奐字然明皇甫規字威明段穎字紀明

萬石嚴媼

延年五人皆至大官時號其母萬石嚴媼

時號喻物門

鑑脚刺史

見刺史門

五龍

郭景純詩奇齡邁五龍注五龍皇后君四人皆人面而龍身長曰角龍次徵龍次商龍次羽龍父曰宮龍父與諸子同仙在五方

胡蝗

晉愍帝時大蝗司冀青雍螽石勒亦競取百姓禾時人

謂之胡蝗

繡虎

曹植七步成章時號繡虎

伏鸞隱鵠

鄧文號伏鸞陸雲號隱鵠

玉箱雜記

兩驥

劉正兄弟二人時號兩驥

鄭氏羣虎

五代閩中鄭昌有八子皆以詞學聞號鄭氏羣虎

蔡上胡孫

朝野僉載楊仲嗣躁率魏光乘目為勢蔡上胡孫

雲中鶴

公孫淵云邠原可謂雲中白鶴

春花客

蕭映荅晉安王書云春花之客登座右而升堂秋實之

賓應虛左而入室

鶴鳴鷄樹

鳳閣侍郎杜景儉文章知識皆高遠時號為鶴鳴鷄樹

朝野僉載

鳩集鳳池

王及善才行庸猥為內史時號鳩集鳳池

朝野僉載

斷憲舍人

見舍人門

釘坐梨

唐崔遠時目為釘座梨言世所珍也

八埤學士

見翰苑門

六龍

晉書卞氏六龍立仁無雙卞粹字立仁

金珠御史

會稽王絲以侍御史為廣南東路轉運使兼提舉市舶
舊番稅之來十稅其一必擇精者絲令精粗兼取夷人
悅之目為金珠御史

會稽圖經

射鵰都將

元幹以二箭下雙鷗軍中號為射鷗都將

青錢學士

張鷟文詞猶青銅錢萬選萬中時號青錢學士

軟餅中丞

偽蜀韋叡性多依違時號軟餅中丞

白兔御史

縮葱侍御

驄馬御史

並見御史門

瘦羊博士

後漢甄宇臘日賜羊大小肥瘦不等衆欲殺羊分肉又欲投鈎字耻之因先取最瘦者後召會帝問瘦羊博士安在

驚蛺蝶

北齊魏收字伯起輕薄尤甚人號為驚蛺蝶

羊公鶴

羊叔子有鶴能舞遇客稱之氈氈而不肯舞殷中軍稱

劉爽之子庾公庾與語殊不稱庾小失望遂名劉羊公
鶴

公沙五龍

公沙穆之五子並有令名號公沙五龍

魏明帝甄表狀

並鳳

蔡邕崔寔號並鳳又與許受號三龍

玉箱雜記

泥下潛珪

王仲宣號泥下潛珪

上

卧虎

後漢董宣字少平為洛陽令格殺湖陽公主蒼頭帝令
宣謝主不從救強項令出賜錢二十萬宣悉以頒諸吏
由是搏擊豪強莫不震悚京師號為卧虎歌之曰枹鼓
不鳴董少平

水晶燈籠

劉隨臨事明銳在蜀人以為水晶燈籠

時號雜名門

皮裏晉書

劉孝綽之子諒字求信博悉晉事時號皮裏晉書

謝白面

謝石少患面瘡療之莫愈乃自匿夜有物來舐之其瘡遂瘥舐處甚白世呼謝白面

李常在

有姓李人世世人見之不知其名因號李常在

江湖散人

陸龜蒙號江湖散人

卞田居

卞彬字士蔚自稱卞田居婦為傅蚕室

北郭先生

漢書汝南廖扶者畢志衡門死塋北郭號北郭先生

涪翁

孟邵耆舊傳云廣漢有老翁釣于涪水自號涪翁

史通子

王莽求封司馬遷後為史通子

漢書

紫髯將軍

張遼問吳降人紫髯將軍長上短下是誰荅曰是孫會

稽也

獻帝春秋

田舍漢

婁師德曰師德不是田舍漢更阿誰是

夜半客

王莽為宰衡甄封旦夕入謀議時語曰夜半客甄長伯

彭寵傳

馬留

馬伏波有餘兵不返居青洽縣自有婚姻號馬留

東路徐

見富貴門

獨立使君

見刺史門

宣文君

晉宋逞之母韋氏以經教授生徒號宣文君

蔡曹子

蔡曇智鄉里號蔡曾子

何展禽

何伯璜兄弟號為何展禽高士沈頭顱並重之

侍芝郎

吳志黃耆獻鬼目草芝草孫皓以耆為侍芝郎

束草師

立法寺一僧以束藁焚身世號束草師

荔挺法師

江陵一僧面形上廣下狹似馬覓劉紹因呼為荔挺法師

豐年玉

世稱庾文康為豐年玉雅恭為荒年穀

孫郎

孫策年少雖有位號而士民皆呼為孫郎

聖府君

搜神記陳斐為酒泉太守將行卜者曰遠諸侯放伯裘

則無害既到官侍醫有張侯直醫有王侯心悟曰此謂
諸侯乃遠之一日夜有物來被上以被冒取欲殺之鬼
曰我千歲狐也字伯裘若赦我當相報有急難但呼我
字斐乃放之後有事輒以語斐一日白事云北界有賊
驗之果然時號斐聖府君

水仙

越絕書吳子胥水仙也

書樓

唐李陔聚書至萬卷手不釋卷世號李書樓

范長頭

梁范岫多識前代舊事范雲謂人曰諸君進止威儀當問范長頭也

賈長頭

問事不休賈長頭

賈逵也後漢

牛醫兒

牛醫兒黃叔度

牧羊兒

李存信代北牧羊兒耳

唐書

黃鬚兒

黃鬚兒魏任城王彰

將家兒

齊張欣泰父興世以戰功任方伯欣泰不以武業自居
好隸書讀子史武帝曰將家兒何敢作此舉止

乞索兒

乞索兒鄭隱

伏獵侍郎

唐蕭昺讀伏臘為伏獵號伏獵侍郎

童子學士

童子學士宋懷梁人

大令小令

見中書令門

行中書

唐楊虞卿日見賓客于第世號行中書

青楊蕭

後周何安住白楊巷蕭春住青楊巷時人語世有兩雋
白楊何安青陽蕭春

漫郎

元結天寶中避亂商山稱元子或稱浪士漁者呼為鰲
叟酒徒呼為漫叟及為官呼為漫郎

伏不闕

後漢伏湛清淨無競東州人號曰伏不闕

香尉

述異記漢雍仲子進南海香拜涪陽尉時人號曰香尉

雷尚書

王導有幸妾雷氏頗預政事納貨賂時謂之雷尚書

潘將軍

後漢楊大眼妻潘氏善騎射夫稱之為潘將軍

千秋觀主

賀知章棄官詔于會稽置千秋觀命賀主之

翰林志

東州逸黨

范諷放肆不拘檢所與遊者多慕其為人時號東州逸黨山東顏太初作逸黨詩以刺之諷常權三司使

草頭木脚

蘇紳與梁適同時在兩禁人謂之草頭木脚

眼中釘

丁謂既逐寇準京師為之語曰欲得天下寧當拔眼中釘欲得天下好莫如召寇老

和鼓

曹利用長樞府憑寵自恣而張士遜居其間未常有是非之言時號為和鼓

陳驚坐

見豪邁門

聖府君

見怪異門

三日醞

周顥過江積年但飲酒三日時謂之三日醞

枯松太保

王建平東川諸將爭功王宗裕立枯樹下未嘗自伐時
號枯松太保



海錄碎事卷九下